

# Holger Kelch: „Ja cu fairne zgromadne žěło“

## Serbski sejm jo se sobotu zejšeł w chóšebuskem Měšćańskem domje

Z Chóšebuza/Cottbus. Sobotu su se wótpósłańce Serbskego sejma zmalali w chóšebuskem Měšćańskem domje. Pšosyl jo je chóšebuski wušy šolta Holger Kelch (CDU), a jo gronił až sejmjarje njemuse za to zaplašiš. Wónu su však wuzwólwanje za Serbski sejm financérowali jano z pósćiwanjami a njedostanu žedne wurownanje za swóje wudanki (Aufwandsentschädigung). Rozmjaj: Holger Kelch jo był cesny gósc na chóšebuskem pósejženju a jo ako přédny to grono dostał wót staršeje prezidentki Edith Pjeńkoweje. Wón jo komentérował wuzwólwanje do krajneju sejmowu w septembrje a gronił, až co Serbski sejm we kuźdej formje sobu njasć a z nim gromadu žěłaš. Wón jo pširažil zgromadne fachowe wuběrki sejma a města, žož temy se k tomu makaju. Kelch jo teke razil, aby wótpósłańce měšćańskego parlamenta a wótpósłańce Serbskego sejma woglédali jadne tym drugim na zgromažiny. Wón gronił, až jomu jo wédobne, až ja tšěso te slupy, na kótarychž stoj serbske žywjenje, ale až co weto pšosyš zastupniki Serbskego sejma na zmakejanja z drugimi serbskimi institucijami. Wón stoj za fairne zgromadne žěło „na wusokosci wócowu“. Kelch jo wótpósłańce napominal, aby wobstojece struktury wužywali a sobu žělali we wuběrkomach za kublanje, sport, kulturu a serbske nastupnosći, we wu-



Prezidium pósejženja Serbskego sejma: Holger Kelch (chóšebuski wušy šolta [CDU]), Edith Pjeńkowa (starša prezidentka sejma) a Hanzo Wylem-Kell (powědař sejma za Dolnu Łužycu).  
Foto: S. K.

běrku za to socialne, strowosć a mjeńšynowe pšawa a wušej togo we wuběrku za mložinsku pomoc.

Skerjej njespokojecy jo był pšiducy dydk na dnjownem póřeže, pšedstajenje nowego serbskego familijowego towaristwa „Gromaže“. Něcht wót towaristwa jo wopisował žinsajšne brachy w kublańskem systemje, což nastupa serbsku wucbu. sejmjarje su zgónili, kak to towaristwo jo se založyło a kake pšiduce plany su, nastupajucy serbsku wucbu zwenka šule. Dokulaž w sejmje su teke luže, ako se angažeruju za to

serbske w žišownjach a šulach (na pšikład wót drježdžańskego towaristwa *Stup dalej* Andreas Kluge abo Jadwiga Pjacec), su wóni nowemu towaristwoju wsake dobre rady a pšemyslowanja dali. To grono jo teke bylo wót fararja Braniga w Trjebicach (Tröbitz), ako jo nazgónity založař lichych šulow. Cogodla nje-deje pšemyslowaš wót licheje serbskeje šule?

Dalej jo bylo to grono wót strukturneje změny, a na kaki part sejm dej se zapšěgnuš do planowanja. Wót wsakich problemow su powé-

dali, wót pólepšanja za infrastrukturu a wót ideje, až dej byš štafla gaseńskich lětađlow (Löschflugzeuge) we Łužycy za wobgrozone strony. Na dnjownem póřeže jo nadalej stojal pšichod Miłoraza.

Gósci su byli Karin Tšukowa (regionalna powědařka Domowiny), Anna Kosacojc-Kozelowa (zagronita za serbske nastupnosći w měšće) a Gerhild Kreutziger (pšedse-dařka SPD w zgórjelskem wokrejsu [„SPD-Neiße“]). Na pósejženju jo se zwěštego serbske powědało. S. K.